

**Ufficio Stampa della Provincia autonoma di Trento**

Piazza Dante 15, 38122 Trento

Tel. 0461 494614 - Fax 0461 494615

uff.stampa@provincia.tn.it

**COMUNICATO n. 1608 del 21/06/2021**

**Traduzione in ladino**

## **L'Euregio Tirol, Sudtirolo, Trentin fèsc 10 egn**

**Acà diesc egn a Ciastel Thun l'è stat metù sù l'Euregio Trentin, Tirol e Sudtirolo. La autoritàdes de la doi Provinzies autonomes de Trent e de Busan e del Land Tirol, en mèrtesc ai 14 de jugn del 2011 tel ciastel de la Val de Non, i à sotscriu l'At costitutif. L'è scomenzà coscita l Grop european de cooperazion de raion (Gecr), strument pervedù dal regolament Ue del 2006, endotà de personalità giuridica publica, metù sù per miorè e portèr inant la cooperazion sorafora la seides, sorafora la seides politiches de Paìsc e anter la regions de sie membres.**

Da enlouta en cà l'è stat endrezà sacotanta scomenzadives anter i trei raions, tropa de chestes les é jites inant tel temp. Da recordèr per ejempie, cheles endrezèdes ti setores di joegn, de la mobilità, de la enrescida, de l'ambient e de la protezion zivila, de la cultura.

Chest an l'è stat dedicà soraldut a la cultura tras l'An di Musees de l'Euregio. L valor enjontà del Gect, per chel che revèrda la pèrt politica l'è stat chel de ge dèr l met ai trei raions de jir tel fon de la relazioms e de arjonjer ejic miores che chi che se aessa arjont da soi.

“Dò 10 egn de Euregio – sotrissea l president de la Provincia autonoma de Trent, Maurizio Fugatti – se pel veder coche la cooperazion anter i trei raions la sie doventèda più forta. Sacotenc l'è stat i projec concrec che i é stac metui en esser e che i arvejina i sentadins a l'Euregio. Peisse che l strument del Gecr sie stat bon de palesèr te chisc diesc egn sia percacenza e donca ge vel che l vegne renforzà a na moda da tor ite amò de più la istituzions e la popolazioms del Tirol, del Sudtirolo e del Trentin”.

**Traduzion di Servijes Linguistics e Culturèi del Comun general de Fascia**

(Traduzione a cura dei Servizi Linguistici e culturali del Comun general de Fascia)

(cdt)